

敬
躋
堂
叢
書

敬齋室藏書

敬齋堂叢書之一

東塾襍俎

郭則澐署端



癸未春刊成
古學院藏版

序

三代以降諸子瓜離儒術寢雜羸秦所坑非眞儒也漢學
代興門戶斯別魏晉躋駁迨宋而昌帖經取材性理爲幟
章甫佔畢輒尊爲儒所謂眞儒闕焉轉晦程周而外眇知
其名朱陸異同觝擊益烈欲樹之範以壹其趨則緣流溯
源誦言攷行其準的也蘭甫先生近世大儒平亭漢宋獨
標精詣著述滿家士林楷之東塾雜俎因循未槩海內畢
望競欲先睹其書蓋讀書記之餘緒也斷代尙論衡其人
物鈎元舉要咸表宗尙人倫之矩聖譯之流其學其人激
然數見上下百世綜其淵源公孫公穆共治古學迺出家
橐其未完者周子養廩實助公穆共理緝之剗刷旣竟屬
介一言余維載山遺書或參僞亂端禮日程間雜迂曲時

際改革代歷遐遠高弟徂往後嗣不守楮葉穀混難言之
矣又或牽率忌諱竄易章句若蒙尺覈莫析其眞儒籍之
戾藝林所憾然則書傳不傳有賴於賢于若孫豈不汲汲
哉茲編家守逮於累世手迹炳在墜緒可拾公穆繼起躬
事斟緝先芬之誦晚近尤罕雖大儒餘瀆蛟龍所護而清
門流澤青箱踵嫩有足侔焉是用樂策厥成且述其顛末
以告來者若夫儒術源流若川匯澥來楫之導是曰知津
體例必嚴甄擇惟謹公有千秋無待詞贅云甲申初春合

肥王揖唐

東塾雜俎目錄

卷一

西漢 讀書記目錄卷十三

卷二

東漢 讀書記目錄卷十四

卷三

晉 讀書記目錄卷十七

卷四

南北朝隋 讀書記目錄卷十八

卷五

唐五代 讀書記目錄卷十九

卷六

唐疏 讀書記目錄 無據原稿補

卷七

宋 讀書記目錄卷二十

卷八

南宋 讀書記目錄 併入北宋 爲一卷今據原稿析出

卷九

遼金元 讀書記目錄卷二十一

卷十

明 讀書記目錄卷二十三

卷十一

國朝 讀書記目錄卷二十四

卷十二

通論

讀書記目錄
卷二十五

卷十三

餘錄

讀書記目錄
無此卷今補

卷十四

瑣記

讀書記目錄
無此卷今補

卷一

西苑

讀書記目錄

卷二

東苑

讀書記目錄

卷三

南苑

讀書記目錄

卷四

北苑

讀書記目錄

卷五

外苑

讀書記目錄

卷六

內苑

讀書記目錄

卷七

中苑

讀書記目錄

卷八

東苑

讀書記目錄

卷九

西苑

讀書記目錄

卷十

南苑

讀書記目錄

卷十一

北苑

讀書記目錄

東塾雜俎卷一

番禺陳澧撰

西漢

史記禮書云故禮者養也稻粱五味所以養口也椒蘭芬
苳所以養鼻也鐘鼓管弦所以養耳也刻鏤文章所以養
目也疏房牀第所以養體也故禮者養也君子既得其養
又好其辨也所謂辨者貴賤有等長少有差貧富輕重皆
皆有稱也孰知夫士出死要節之所以養生也孰知夫輕
費用之所以養財也孰知夫恭敬辭讓之所以養安也孰
知夫禮義文理之所以養情也人苟生之爲見若者必死
苟利之爲見若者必害怠惰之爲安若者必危情性之爲
安若者必滅太史公此論可以繼五經之後

索隱云此文皆出大戴禮

蓋是荀卿所說

史記天官書所載占驗多矣至於終篇乃曰日月薄蝕行南北有時天之五官坐位為經不移徙大小有差闊狹有常五星見伏有時所過行贏縮有度然則太史公固不信古驗也以相傳如此而存其說耳

史記儒林傳云申公獨以詩經為訓以教無傳疑疑者則

闕不傳

索隱云謂申公不作詩傳○漢書畧同

此是章句之類

又胡毋生傳弟子遂之者蘭陵褚大東平贏公廣川段仲

溫呂步舒唯贏公守學不失師法

漢經師不失師法

漢書儒林王式傳山陽張長安幼君先事式後東平唐長賓沛褚少孫亦來事式問經數篇式謝曰聞之於師具是矣自潤色之不肯復授唐生褚生應博弟子選試誦說有法疑者且蓋不言

漢志九流陰陽家不入於術數蓋論陰陽之理者如宋儒太極先天也

汲黯所學則黃老也老子之學和光同塵而汲黯則甚不和甚不同何哉性情出於自然學問或由時尙故性情與學問有相符者有不相符者不獨汲黯爲然也且不獨黃

老之學爲然也

楊大年似浮華而實澆直韓致堯似治蕩而實樸忠

東坡云西漢風俗諂媚不爲流俗所移惟汲長孺耳本朝太宗時亦有此風至今未衰吾嘗發策學士院問兩漢所以亡者難易相反意在此也

史評

又云漢學宗經師有識義理者眾故王莽之亂多守節之士世祖繼起褒尙名節之士故東漢之士多名節知名節而不能節之以禮遂至於苦節之士有視死如歸者苦節

既極故晉魏之士變而為曠蕩尚浮虛而亡禮法禮法既

亡與夷狄同故五胡亂晉

史評○坡公所謂識義理非道學家所謂義理

又云西漢之士多智謀薄於名義東京事風節短於權略兼之者三國名臣也而孔明巍然三代王者之佐未易以

世論也

史評

劉更生懼恭顯傾危上封事引易四條詩十五條春秋二十餘事成帝時諫延陵疏引易春秋各一條詩二條上封事極諫引書一條春秋二條元延中上奏引易書春秋各一條

又云分文析字煩言碎辭 漢人煩碎

後漢書儒林謝該傳云少府孔融上書薦之曰儻不疑定北闕之前夏侯勝辯常陰之驗然後朝士益重儒術

後漢書范升傳尙書令韓歆上疏欲爲費氏易左氏春秋立博士升奏曰孔子曰博學約之弗叛矣夫夫學而不約必叛道也此謂費氏易左氏春秋不可立也然更詰之曰學而不博叛道否乎其何辭以對又云老子曰學道日損損猶約也絕學無憂絕未學也尤謬又云京費已行次復高氏春秋之家又有騶夾云云則頗難處也

揚子雲法言云雄見諸子各以知舛馳大氏詆訾聖人又云允治天下不待禮文與五教則吾以黃帝堯舜爲疣贅問道篇此未足以杜老莊之口也彼竟以黃帝堯舜爲疣贅

也又云鴻荒之世聖人惡之同上彼竟謂鴻荒之世聖人好之也又云或問無爲曰奚爲哉在昔虞夏襲堯之爵行堯之道法度彰禮樂著垂拱而視天民之阜也無爲矣紹桀

之後纂紂之餘法度廢禮樂虧安坐而視天民之死無爲

乎

問道篇

此則老莊無可以置其喙矣

後漢書黨錮傳序云漢祖杖劍武夫敦興憲令寬賒文禮
簡濶緒餘四豪之烈人懷陵上之心輕死重氣怨惠必讐
令行私庭權移匹庶任俠之方成其俗矣自武帝以後崇
尚儒學懷經協術所在霧會至有石渠分爭之論黨同伐
異之說守文之徒盛於時矣至王莽專僞終於篡國忠義
之流恥見纓紉遂乃榮華邱壑甘足枯槁雖中興在運漢
德重開而保身懷方彌相慕襲去就之節重於時矣逮桓
靈之間主荒政謬國命委於閹寺士子羞與爲伍故匹夫
抗憤處士橫議遂乃激揚名聲互相題拂品覈公卿裁量
執政倖直之風於斯行矣夫上好則下必甚矯枉故直必

過其理然若范滂張儉之徒清心忌惡終陷黨議不其然乎

後漢紀

卷二

十三袁宏曰戰國縱橫強弱相陵臣主側席憂在

危亡不曠日持久以延名業之士而折節吐誠以招救溺之賓故有開一說而饗執珪起徒步而登卿相而游說之風盛矣高祖之興草創大倫解赭衣而爲將相舍介冑而居廟堂皆風雲豪傑屈起壯夫非有師友淵深可得而觀徒以氣勇武功彰於天下而任俠之風盛矣逮乎元成明章之間尊師稽古賓禮儒術故人重其學各見是其業徒守一家之說以爭異同之辯而守文之風盛矣自茲以降主失其權闔豎當朝佞邪在位忠義之士發憤忘難以明邪正之道而肆直之風盛矣夫排憂患釋疑慮論形勢測

虛實則游說之風有益於時矣然猶尙譎詐明去就間君
臣疏骨肉使天下之人專俟利害弊亦大矣輕貨財重信
義憂人之急濟人之險則任俠之風有益於時矣然豎私
惠要名譽感意氣讎睚眦使天下之人輕犯敘之權弊亦
大矣執誠說修規矩責名實殊等分則守文之風有益於
時矣然立同異結朋黨信偏學誣道理使天下之人奔走
爭競弊亦大矣崇君親黨忠賢潔名行厲風俗則肆直之
風有益於時矣然定臧否窮是非觸萬乘陵卿相使天下
之人自置於必死之地弊亦大矣

東塾雜俎卷二

番禹陳澧撰

東漢

光武初之長安受尚書略通大義

本紀

軍旅閒賊檄日以百

數猶以餘暇講誦經書

後漢紀卷五

東西誅戰不遑啟處然猶

投戈講藝息馬論道

樊準傳後樊宏疏

馬援稱其經學博覽前世

無比

馬援傳

泊乎中興愛好經術未及下車先訪儒雅探求

闕文補綴漏逸

儒林傳序

中年以後干戈稍戢專事經學自是

其風世篤焉

儒林傳論

自古帝王篤好經學如光武者未之有

也此東漢經學所以獨盛於歷代也

明帝游意經藝每饗射禮畢正坐自講諸儒竝聽多徵名

儒布在廊廟每讌會則論難衍衍共求政化

樊準傳後樊宏疏

此